

清孝外史精

蘭一百九十五蘭一百十

弟
五
十
卯
癸

明倫彙編 家範典

卷一百一十五
家範典 卷一百一十五
家範典 卷一百一十五

清季外交史料卷一百零九

光緒二十一年三月下

目錄

臺撫唐景崧致總署有日策士獻計若停和議不允賠款彼計立窮

又日瘟未息刻在澎抽兵電二件二十一日

閩督譚鍾麟致軍務處報日據澎疫盛臺南北無事電二十一日

江督劉坤一致軍務處現各軍鎗械略富兵勇銳氣可用賠款割地

無此辦法電二十二日

署江督張之洞致軍務處馮子材粵軍到齊請飭節制海州及清江

諸軍以護運道電二十二日

署江督張之洞致軍務處請借英商克隆行款調琅威理來華整頓

水師電附旨二件二十三日

使英龔照瑗致總署義外部稱深願中日休兵息民電二十三日

全權大臣李鴻章致總署與日訂約經已畫押並傷已收口電二十

依克唐阿長順致軍務處遵旨傳諭民團小心靜守電二十四日

臺撫唐景崧致軍務處臺民呈稱願効死勿割臺地電二十四日

江督劉坤一奏據丁槐電稱聞割地償費議和不勝憂憤請堅持戰

局電二十四日

魯撫李秉衡奏割地請成斷不可允請決意主戰電二十四日

署盛京將軍長順致軍務處停戰期內各軍仍紮遼界電二十五日

津道盛宣懷致總署巴蘭德稱德約俄法向日外部說不允馬關條

約電二十五日

臺撫唐景崧致軍務處臺民不服割地恐激他變電二十六日

浙撫廖壽豐致軍務處軍餉不敷懇飭部免撥稅款電二十六日

全權大臣李鴻章奏中日會議和約已成摺附馬關條約議訂專條另約停

戰條約停戰展期專條及李鴻章咨文伍廷芳呈文二十六日

署江督張之洞致總署奉諭准借洋款斷不敢糜費電二十七日

臺撫唐景崧致軍務處請廢約再戰並商各使公斷速罷前議電二

件二十七日

署江督張之洞致總署王之春電晤俄外部論日財涸竭又請援普

法例勒佔鄰土視民意爲從違電二件二十七日

全權大臣李鴻章致總署伊藤稱和約經日皇批准電二十七日

署江督張之洞奏和議各條萬不可允電二十八日

閩督譚鍾麟致總署臺地難交賠款難籌請動以情理寬展年限電

二十八日

全權大臣李鴻章致總署賠款事候換約時與商電二十九日

魯撫李秉衡奏議和條約尙須斟酌謹披瀝愚忱摺二十九日

臺撫唐景崧致總署懇將割臺事請各使公斷電二十九日

清季外交史料卷一百零九

黃巖弢夫王彥威輯

男希隱亮編

孫孝章敬立校

臺撫唐景崧致總署有日策士獻計若停和議不允賠

欸彼計立窮又日瘟未息刻在澎抽兵電

二件

密有策士自日來謂日窘甚外洋肯借彼債者恃中國有賠欸耳我若堅持停和議並賠欸不允彼計立窮無可借貸勢必潰敗其言頗近理謹貢所聞以備朝廷操縱請代奏三月二十一日

頃據臺南陳道電據探役自澎湖回稱賊瘟未息死者尙多船只留九隻

順載死者回國刻在澎抽兵欲得四千人口糧八兩四錢並出示略云天災流行兵心勿慌俟奉請國旨或停或戰再聽號令云請代奏 三月

二十二日

閩督譚鍾麟致軍務處報日據澎疫盛臺南北無事電

日據澎疫甚僅剩二千餘人兼旬未動臺南北無事福廈晏然惟漳州民心惶惑現飭侯名貴回漳州鎮任委總兵徐萬福率兩營駐泉州游擊許承禮一營駐興化乞代奏 三月二十一日

江督劉坤一致軍務處現各軍鎗械略富兵勇銳氣可用賠欸割地無此辦法電

昨今兩日迭接津電有和議將成除賠欸外割給遼東臺灣之語未審

是否屬實既給賠款又須割地且割完全未擾之地無此辦法遼臺並失南北俱危並恐各國從此生心後患不堪設想如畏日攻京城不得已而出此下策則關津畿輔均宿重兵詎不可以一戰戰而不勝尙可設法撐持現在各軍鎗械略富兵勇銳氣可用似不可聽其恫喝之言爲此規持之計大局所係不敢以未與聞和議緘默自甘卓見如以爲然卽請代奏三月二十二日

署江督張之洞致軍務處馮子材粵軍到齊請飭節制
海州及清江諸軍以護運道電

馮提督子材統粵軍十營日內到齊暫紮鎮江馳來金陵面商擬即日輕騎由清江馳赴海州察看地勢軍情後仍回鎮江如海州有警卽調

所部十營親赴海州前敵督勦本日已行竊思此次馮赴海州一看亦甚有益如海州有戰事即令馮總統節制海州及清江一帶諸軍以護運道清江正係北上之路海州距清江三站如諭旨別有調派之處隨時遵旨辦理請代奏三月二十二日

署江督張之洞致軍務處請借英商克隆行欵調琅威

理來華整頓水師電

附旨二件

購戰船募水師搗日事前接總署皓電云元電已進呈此事擬暫緩辦自當遵照惟本日接王使之春自巴黎來電云十船皆近年造首號鋼甲三百二十八英尺又鋼甲三百五六十英尺皆堅又快船雷艇皆速必有濟船價待定泊智利阿根廷海係無約國例不阻統率須大將適

前水提琅威理賦閑願自効幫華使並任募招兵官並兵二千密襲日和成聽用兵費一年及辦事先須銀約三十萬鎊現與英商克隆行訂借三百萬鎊長息五釐九六扣此款成允借大款歸併此款故較匯豐爲廉船事不令該行與聞欸事已立草約乞速請旨告歐使電該行即交銀聽撥此款匯豐頗嫉已探襲稍遲恐梗等語既據言之確鑿有船有兵有將有款且一年用費亦不多尤好在琅威理肯効力誠爲難得機會不敢不飛速上聞應如何辦理恭候電裁如朝廷必以爲事宜緩辦亦懇恩准調琅威理酌帶洋弁兵來華整頓南洋水師借款息扣甚輕憑謂六扣當即九五扣無論購船與否亦可先定擬請旨令總署卽告歐使速電該行南洋用一百萬鎊卽不另借餘二百萬鎊聽候戶部

撥用是否有當候旨遵行請代奏三月二十三日奉旨張之洞電悉現在和議甫定亟應先籌鉅款至重整海軍必須從長計議非可猝辦即購買戰船如於西國各大廠詳細考訂方能精良適用王之春前電各節尙在戰事未停以前所議之船究竟是否精利鋼甲厚薄速率若干亦未聲敘僅照商人之言未經查驗恐難深信其價值必照平時加增且驟招官兵二千所費亦必不少着張之洞將以上各節再行熟籌電覆琅威理前據總署飭總稅務司電令赴華効力旋以已受英國官職辭而不受現在何又賦閑應仍由該衙門轉飭電查明確再行辦理至借款一節前經總稅務司借用匯豐銀三千餘萬兩他處借款皆議而不成現須借用鉅款仍由匯豐一手經理已有成議倘再由他處訂借

恐匯豐借款因之罷議關係甚重王之春所訂借款着張之洞電令即作罷論將來南洋需用款項由戶部另行籌議不得再由他商攬借以免淆亂

旨張之洞電奏請借洋款等語南洋需款既經龔照瑗訂定英商克隆行一百萬鎊即着准其借用嗣後仍遵前旨不得再借三月二十五日

使英龔照瑗致總署義外部稱深願中日休兵息民電頃接義外部十三日文稱前奉大皇帝國電業經轉遞大君主深願中日兩國休兵息民速成和局本國執政大臣相機勸導速成和議等語乞代奏三月二十三日

全權大臣李鴻章致總署與日訂約經已畫押並傷已

收口電

密紅本日已刻正齊集公所議定約後彼此前敵各軍如何辦法伊藤等訂明再展停戰二十一日俟批准互換並於約後另立專款一併畫押蓋印如不批准立行廢止又展至二十一日互換即四月十四日午初彼此會同畫押鴻意請旨如定可批准互換必無他虞前敵各軍新募之營似可逐漸抽撤以省餉需而免沿途擁擠生事伊等諄諄何日批准何日派員互換俟鴻到津探明先給電報不必再由田貝轉電並候酌辦擬未刻登輪即行開駛和約原本到大沽口先專員馳呈軍機處核辦再正發電問奉養西電敬悉事已定押已畫不及候旨頑軀傷已收口惟鎗子未出筋絡牽制有華醫奇術來獻擬帶至津試辦到津

後即奏請假二十日調養請先代奏

三月二十四日

依克唐阿長順致軍務處遵旨傳諭民團小心靜守電

承准銑電奉旨密籌戒備自當欽遵辦理又垂詢團練三十萬之文係何人所發查明電覆等因欽此查團練係署遼陽州徐慶璋所帶此文自是徐慶璋所發當即傳詢據稱現在遼陽並鳳岫海新交界周圍七八百里無民不團故照會日本有三十萬之語也索閱原稿察其語意係爲民團太衆一時難以徧諭令毋偪處生嫌尙屬慎重和局起見惟措詞未當致爲彼族藉口現已遵旨飭令傳諭民團小心靜守免生枝節

三月二十四日

臺撫唐景崧致軍務處臺民呈稱願効死勿割臺地電

據工部主事統領全臺義勇邱逢甲率全臺紳民呈稱和議割臺全臺震駭自聞警以來臺民慨輸餉械不顧身家無負朝廷列聖深仁厚澤二百餘年所以養人心正士氣爲我皇上今日之用何忍棄之全臺非澎湖之比何至不能一戰臣等桑梓之地義與存亡願與撫臣誓死守禦設戰而不勝請俟臣等死後再言割地皇上亦可上對祖宗下對百姓如日酋來收臺灣臺民惟有開仗謹率全臺紳民痛哭上陳等因乞代奏

三月二十四日

江督劉坤一奏據丁槐電聞割地償費議和不勝憂憤
請堅持戰局電

頃接古州鎮丁槐電稱刻抵津聞我國割土地償兵費以議和不勝憂

憤竊以爲和則大局糜爛勢難苟安不和則一息尙存無難振作從前
戰事失利非兵概不用命皆由將士冗雜馭兵無術查日人自開釁端
彼國民多怨望所有軍餉由各國借貸若堅與相持彼必不能久支英
法美俄諸國亦必至互相殘害則其亡可立待矣若割地與日目前外
患更有禍烈於日者內患亦從此滋生此社稷安危所關亟宜熟籌萬
不可苟且貽誤爲今之計務宜堅持戰局立即變法裁兵加餉破格用
人則四方豪傑不招自來庶幾萬衆一心咸樂效命轉弱爲強亦指顧
間事槐以疏遠小臣自知人微言輕無補萬一然利害之機已經熟審
倘蒙俯納請即代奏陛見如蒙俞允卽北上親聆聖訓再槐明日准赴
榆關合併聲明請代奏

三月二十四日